

DEO OPTIMO MAXIMO UNI ET TRINO, VIRGINI DEIPARÆ,  
ET SANCTO LUCE ORTHODOXORUM MEDICORUM PATRONO.

1691  
QUÆSTIO MEDICA,  
QUODLIBETARIIS DISPUTATIONIBUS MANE DISCUTIENDA  
IN SCHOLIS MEDICORUM, DIE JOVIS XIV. NOVEMBRIS MDCCXX.

M. GABRIEL ANTONIO JACQUES, DOCTORE MEDICO, PRÆSIDE.

*An humorum præstantior, Semen?*



IRA corporis humani compages. E solidis partibus illud tum & humoribus constare autopsiâ constat. Solidorum elementa fibræ simplices. Harum ubi plures strictius simul compinguntur ossium materiem & formam præbent. Modò fibræ laxiori texturâ sibi invicem connexæ nervos, tendines, musculos, membranas; & ex his etiam vasa non unius generis humores continentia. Sicuti verò partes solidæ temperie, conformatione dispares, ita etiam varia subeunt officia; diversisque functionibus inserviunt; unde quædam præ aliis primas tenent & idè nobiles audiunt. Pari modo humorum forma non eadem, nec idem usus: non omnium ergo par dignitas & laus. Natura quosdam & corpore pellit inutiles tam ad individui conservationem, quàm speciei propagationem: mera excrementa. At alios sedulò elaborat humores natura sibi necessarios, quos & fovet. Hos inter omnes, semen primum jure meritò vindicat locum.

QUI majorem passus est elaborationem, humor ille perfectior censeretur debet. A scopo quem natura sibi proponit, ab operandi modo, à fine propter quem operatur cujusvis humilitatem aptus est naturæ intentionibus apprimè ut inserviat: alioquin longè tenuior quàm par est factus humor seceritur, & foras amandatur excrementi formâ: exemplo sint insensibilis perspiratio, sudor, urina. A functionum ergo præstantiâ, à partium humores constituentium nobilitate, eorumdem perfectio, præcellentia. Quo magis perfectæ naturæ opus est liquor aliquis, eò cæteris antecellit humani corporis humoribus.

SEMEN virile, ut *enigma* Græcis, humor albicans, crassiusculus, viscidus, aliquantulum spumofus, ad proles generationem destinatus à natura, in testibus elaboratus, in vesiculis seu receptaculis seminalibus fovendus & ad usum conservandus. Hujus ortum ab aliarum secretionum perfectione pendere nullus inficias ibit diligens naturæ scrutator. Non testium tantum, sed & omnium corporis partium communge opus est. Inchoari nequit nisi prius aliis omnibus elaboratis humoribus, nisi prius explicatis quæ per annos expectabant perfectionem suam testiculis: ergo naturæ perfectioris opus. Nullus humor tantâ tarditate gignitur. Verbo dicam, semen ultima naturæ secretio.

EX unâ scilicet quâcumquæ parte organica plurimæ sunt partes similes nutriendæ idoneæ, quas ipsamet organa in circuitum sanguinis ex renitentia repellunt. Partes istæ similes quem ab organo characterem acceperunt, id est, certam quandam soliditatem, molem, consistentiamve, servant; atque præ mole quam semper retinent, cum humoribus excrementis tenuioribus non secedunt. At eadem aliarum partium nutritioni non inservientes ad testes amandantur hominem in his sub ovi specie aut vermis larvâ inclusum nutrituræ sunt. Semen igitur propriè sic nobis describendum venit: prima nempe embryonis nutritio ex omnibus corporis partibus præparata, juvante testium oscillo inter embryonis pulsantes villos propulsa, applicationem potiùs quàm præparationem aliquam quaestura, tandemque omnium corporis partium communi nisu in uterum coitis tempore tanquam homuncionis vehiculum, lac & vinculum, immissa.

QUANTO vita morte præstat, tantò humor ille originem unde suam homo repetit nobilior illo quò nutritur corpus. Quotidiè succus homini nutritius, purior chylus, ut vitâ fruatur, omninò necessarius. At homini contingit & urget lethi necessitas: irreversibile fatum: quod corrigere nefas. Ut verò quantum poruit humano generi provideret, cuique homini quò sobolesceret modum natura concessit. Ità non ad aliquot tantum annorum millia, sed & in æternum usque se perennat homo. Totus vitæ labor, speciei propagationis cura: hinc omnibus insitum immane generandi desiderium. Cuidam ætati denegata potestas. Hec nempe naturæ perfectæ opus & signum, cujus actus est coitus. Hujus causâ nec-non & materies semen, alimenti secundæ coctionis residuum, ex omnibus corporis humani partibus deciduum, ad proles generationem.

*Ergo humorum præstantior, Semen.*

Domini Doctores disputaturi.

M. Joannes-Baptista Silva, Serenissimi Ducis Bourbonii Medicus ordinarius,  
M. Joannes-Baptista Marineng,  
M. Joannes-Henricus Imbert, à Regiâ Scientiarum Academiâ,

M. Franciscus Prost,  
M. Thomas Bernardus Bertrand,  
M. Epiphanius Alan.

M. Jacobus-Benignus Winslow, Regiæ Scientiarum Academiæ socius,  
M. Ludovicus Guillet,  
M. Joannes-Baptista Fernalbus, in Regiâ Artium Academiâ Socius honorarius.

Proponcbat Parisiis GEORGIUS-ANTONIUS TARON DE LONMEAU, Bajocensis, Baccalaureus Medicus, A. R. S. H. 1720, à sexta ad meridiem.

Typis J. QUILLAU, Universitatis & Facultatis Medicinæ Typographi.

